

# Program Kerja Sosial FPP UMS beri pendedahan pelajar bekerjasama, memahami komuniti

Oleh Vivi Olviana Najurus

UB 20.01.2023 P.03

**SANDAKAN:** Program Komuniti Siri 2/2023 yang disertai 22 orang pelajar Program Kerja Sosial daripada Fakulti Psikologi dan Pendidikan (FPP) Universiti Malaysia Sabah (UMS) memberi pendedahan kepada pelajar untuk bekerjasama dan memahami sesebuah komuniti.

Ketua Program Kerja Sosial, Fakulti Psikologi dan Pendidikan UMS, Dr. Wanda Kiyah Anak George Albert berkata program terbabit dijalankan bersama penduduk Kampung Tinusa 2 bermula 13 hingga 15 Januari lalu.

“Program ini juga bertujuan untuk membantu komuniti tempatan untuk mengenal pasti, merancang dan membuat tindakan bagi memenuhi keperluan harian melalui pendedahan bantuan sumber dan perkhidmatan yang terdapat di dalam komuniti terbabit.

“Pendedahan yang disediakan oleh profesion kerja



**SIJIL:** Wakil Pengetua Fakulti Perhutanan Lestari, UMS Sandakan menerima sijil penghargaan semasa Program Kerja Sosial.

sosial ini dapat membantu komuniti tempatan berfungsi dengan lebih efektif, berkeupayaan dan berkeupayaan mendapatkan apa yang diperlukan berdasarkan kepada permasalahan dialami,” katanya dalam satu kenyataan semalam.

Menurutnya, program terbabit turut disertai pelajar

tahun pertama dan kedua selain pelajar tahun akhir dalam fakulti berkenaan.

“Menerusi program ini, kita harapkan dapat mendedahkan pelajar dengan praktis kerja sosial sebenar yang dijalankan bersama komuniti seterusnya mampu menjadikan komuniti atau masyarakat cakna kepada

profesion kerja sosial,” katanya.

Sementara itu, Ketua Kampung Tinusa 2 Norsidy Lumby berkata program yang julung kali diadakan di kawasan pantai timur khususnya Sandakan berjaya mengeratkan silaturahim antara komuniti kampung terbabit.